

I N V O C A Z I O N E A. NOSTRA SIGNORA DE SU RIMEDIU

Santissima Maria, solu a tie
tristu et isconsoladu mi presento:
sos males des se cronicos lamento
chi dai ora suffrint che a mie,
ch'invanu isperant d ai die in die
de tenner calchi pagu de mesoru.
su non aer sullevu est un accoru:
suffrire troppu, supportare et mudue
est cumpromittere plus su saludu
ch'est fina'a bi pensare pena dura;
s'ischire chi non b'hat nisciuna cura
faghet piangher su coro in su sinu.
Su viver goi, suffrende continu,
est aggravare plus s'agonia.
Ma cando mai, Virgine Maria,
tue, chi has suprema podestate,
non ti moves a dolu et piedade
d e chie est supportende penas graes?
Tue, chi pensas finas pro sas aes,
cando mai pro nois non bi pensas?
et' sos males cun premura sensas
chi turmentant sos esseres mortales?
faghe chi non esistent plus males
pro sos miseros esseres umanos
et cunserva in su mundu tottu sanos
senza odios, d issidios ne rancores;
caama penas, affannos et dolores,
tribulias, tragedias et turmentos;
dae gustos, allegrias et cuntentos,
tempos felices, bundantes annadas,
et cunzedi sas grazias comandadas
d'animas'affliggidase et penosas;
cuntenta a totu e in totu sas cosas
cantos'esseres ha supra sa terra,
salvalos da' disagios, peste et ghera
et' sa paghe propaga in totue:
Mama Santa, pro tottu prega tue,
in sas difficultades da su mediu,
Gloriosa Reina e' su Rimedi.

AGOSTINO PIRASTRU

Agostino Pirastru per Pierpaolo

Oliveri